

für die Jungs:

Los, läbe Chlaus, ganz under öis ...


Los, läbe Chlaus, ganz under öis,
ich ha z'verzele nöd vil neus.

Ich stah vor dir mit zittrige Bei.
Weisch, ich bi nöd immer brav dehei.

Ich tue lääber spile, als Ornig mache,
folge nöd gern, verlüür mini Sache.

A s'Zäähputze wämmer gschiider nöd danke.
Tuesch du mir trotzdem e paar Nüssli schänke?

Das, läbe Chlaus, wäred mini Laschter gsii,
aber susch bin ich en Suneschii.



und für die Mädchen:

Du schöne Maa im rote Gwand

Du schöne Maa im rote Gwand,
grüeziwohl, chumm gimmer d'Hand.

Din lange Bart isch weich wiä Side,
dis Gsicht strahlt uus en grosse Fride.

Dini Stimm isch tüüf und klar,
schneewiiss isch dis gwällte Haar.

Din Blick und au din Charme,
mached mis Herz ganz warm.

Schad, bisch du scho e chli alt für mich,
susch hett i gseit: «Ich hürate dich!»



Leider ist mir die Herkunft unbekannt, aber sie haben uns sehr gefallen und dem Samichlaus auch!